



3 Oktober 2012
Isu 4

[klik untuk isu dahulu](#)



Sambutan Pesta Tanglung

Ahad, 30 Sept - YB Nurul Izzah telah turun padang untuk bersama lebih 300 penduduk Taman Sri Sentosa sempena sambutan pesta tanglung yang menandakan tibanya pertengahan musim luruh mengikut kalendar Cina. Program ini telah diisi dengan beberapa ucapan, satu pertandingan cabutan nombor bertuah, serta perarakan kecil tanglung-tanglung berhias yang dipasang sempena sambutan pesta tanglung ini.

Menziarah Polis Tercedera

Bantu YB Nurul Izzah

- Sebagai Polling Agent/Counting Agent (PACA) untuk PRU13
- Sumbangan:
'Ahli Parlimen Lembah Pantai'
A/C: 5641 2834 5008
Maybank - Bangsar Baru

Program Akan Datang

- **1 Okt, 10am** - pembentangan Bajet 2013 DBKL
- **5 Okt, 8pm** - makan malam National Oversight & Whistleblowers Centre (NOW)
- **7 Okt, 10am** - program derma darah, Perumahan Pantai Permai
- **14 Okt, 4pm** - "Malaysians, where is our money going?" forum Bajet 2013, Hailam Kopitiam, Lucky Garden

Ikuti YB Nurul Izzah di

 Facebook

 Twitter



Jumaat, 28 Sept - YB Nurul Izzah, YB Hee Loy Sian, dan sdr N Surendran hari ini telah pergi melawat dua anggota polis yang telah tercedera dalam satu serangan di Jalan Kuchai Lama pada 26 September 2012 yang lalu. Korporal Nor Azlan, 41, dan Korporal R Subramaniam, 52, telah tercedera akibat ditembak penjenayah sewaktu mereka melakukan rondaan sekitar Jalan Kuchai Lama. Alhamdulillah, kedua-dua anggota PDRM ini berada dalam keadaan stabil dan makin pulih.

Peningkatan kadar jenayah di seluruh negara membuktikan anggota polis turut boleh menjadi mangsa masalah yang makin serius ini, yang jelas belum mampu ditangani pihak Kerajaan Pusat. Malah, tindakan-tindakan kecil pentadbiran DS Najib sekitar Lembah Klang - termasuklah Ops Tawan yang hanya dilakukan di Bangsar - tidak lain dan tidak bukan adalah contoh politik 'solekan' atau 'make-up politics' yang tidak menyelesaikan masalah yang dihadapi.


YB Nurul Izzah dan Pakatan Rakyat telah banyak kali membangkitkan isu yang PDRM itu sendiri perlu melalui proses islah dan reformasi menyeluruh, termasuklah dengan melatih dan menugas semula anggota polis demi meningkatkan jumlah anggota yang bertugas dalam rondaan dan terutamanya sebagai Pegawai Penyiasat (IO) bagi mengatasi jumlah kes yang menggunung.

Melawat Kuil Muniswaran Alayam



Ahad, 23 Sept - YB Nurul Izzah pada hari ini melawat kuil Muniswaran Alayam di Lorong Ang Seng, Brickfields di atas jemputan jawatankuasa kuil. Lawatan ini amat dihargai pihak jawatankuasa kuil dan para pengunjung, dan ramai yang mengambil kesempatan untuk mengambil gambar bersama wakil rakyat yang cukup disayangi. YB Nurul Izzah turut sempat mendapat gambaran tentang masalah-masalah yang dihadapi penduduk sekitar kawasan kuil.

Pakatan Rakyat mengumumkan Belanjawan 2013



Rabu, 26 Sept - Pakatan Rakyat hari ini mengumumkan belanjawan alternatif bagi 2013 bertajuk "Belanjawan Pakatan Rakyat 2013: Ekonomi Rakyat, Negara Berkat" di Parlimen. Belanjawan ini membuktikan hubungan baik yang wujud di antara parti-parti komponen Keadilan, PAS, dan DAP, dan mengangkat gagasan perlunya reformasi menyeluruh dalam pentadbiran negara demi memastikan wang rakyat diguna khusus untuk kesejahteraan rakyat terbanyak dan bukannya untuk memperkaya kelompok kroni elit.

Antara cadangan khusus dalam Belanjawan 2013 ini termasuklah:

- Pendidikan percuma untuk semua
- Caruman Wanita Nasional
- RM500 elaun bulanan buat para guru
- Meningkatkan jumlah bantuan Jabatan Kebajikan dari RM300 ke RM550
- Gaji minima RM1,100
- Menghentikan monopoli demi membantu peniaga-peniaga menjadi lebih berdayasaing

Untuk bacaan lanjut, [klik sini](#).

Najib tiada sewaktu ucapan Ketua Pembangkang



Isnin, 1 Okt - YB Nurul Izzah hari ini menyelar tindakan Perdana Menteri DS Najib Razak dan seluruh kabinet beliau yang tidak hadir sewaktu perbahasan Bajet 2013. Pada kebiasaannya, selepas belanjawan tahunan dibentang Menteri Kewangan, Ketua Pembangkang akan diberi peluang untuk membalas pada hari persidangan Dewan Rakyat yang berikut. Namun, seluruh jemaah menteri tidak hadir di Dewan Rakyat sepanjang ucapan lebih 90 minit Ketua Pembangkang.

[Video di sini](#).

Copyright © 2012 Ahli Parlimen Lembah Pantai, All rights reserved.

MailChimp

[unsubscribe from this list](#) | [update subscription preferences](#)

